

bænda
FERÐIR

SUÐRÆN SVEIFLA VIÐ ST. TROPEZ



1. – 11. maí 2023

Fararstjórn: Hólmfríður Bjarnadóttir

Vor 8

Frakkland | Ítalía | Mónakó | Sviss

Ferðalýsing

Franska rivíeran eða **Côte d'Azur** í **Provence** héraðinu tekur á móti okkur í allri sinni dýrð í þessari glæsilegu ferð. Eftir að hafa dvalið eina nótt í Turate á Ítalíu bíður bærinn **Sainte-Maxime** eftir okkur en hann stendur við hinn hrifandi **St. Tropez flóa**. Sækjum heim **Aix-en-Provence** sem er með glæsilegustu, en einnig dýrustu, borgum Frakklands. Suðrænn blær frönsku rivíerunnar leikur um okkur í **furstadæminu Mónakó** sem ógleymanlegt er að sækja heim. Við upplifum töfrandi fegurð flóans einnig á siglingu til listamannabæjarins **St Tropez**, sem er einn frægasti bærinn við frönsku rivíeruna og heimabær leikkonunnar Brigitte Bardot. Það er alltaf ljúft að koma til **Cannes** við **Napoule** flóann sem iðar af mannlífi en bærinn er frægastur fyrir alþjóðlegu kvikmyndahátíðina sem haldin er þar ár hvert. Það verður dásamlegt að eiga rólegan dag í bænum Sainte-Maxime áður en við endum með trompi í bænum **Annecy** sem er einn fallegasti bær frönsku Alpanna. Á leiðinni þangað verður að í borg páfans, **Avignon** í Provence héraði, sem rómuð er fyrir fegurð.

11 dagar | 10 nætur

1 nótt Turate | 7 nætur Sainte-Maxime | 2 nætur Annecy



1. maí | Flug til Zürich & ekið til Turate

Brottför frá Keflavík kl. 7:20, mæting í Leifstöð u.þ.b. 2,5 klst. fyrir brottför. Lending í Zürich í Sviss kl. 13:05 að staðartíma. Þaðan verður ekið á hótél í Turate þar sem við gistum fyrstu nótt ferðarinnar.

2. maí | Sainte-Maxime við Côte d'Azur

Eftir góðan morgunverð verður ekið að frönsku rivíerunni eða Côte d'Azur ströndinni til yndislega bæjarins Sainte-Maxime við St. Tropez flóa sem er rómaður fyrir fegurð. Þar verður gist í sjö nætur á hóteli nálægt ströndinni. Hótelið er með sundlaugargarði, sólbaðsaðstöðu, líkamsrækt, innisundlaug og heilsulind með tyrknesku gufubaði.



3. maí | Stutt gönguferð í Sainte-Maxime & frjáls tími

Eftir góðan morgunverð verður farið í stutta gönguferð um Sainte-Maxime, sem færir okkur nær lífinu við ströndina. Þetta er einn af vinsælustu ferðamannabæjum Côte d'Azur strandarinnar og búa þar um 12.000 manns. Það má segja að bærinn hafi notið góðs af frægð St. Tropez bæjarins sem er hinum megin við flóann og er Sainte-Maxime nú með finni bæjum strandarinnar. Í Sainte-Maxime er jafnframt ein best útbúna lystisnekkjuhöfn strandarinnar.

Eftir hádegi verður frjáls tími til að kanna bæinn betur á eigin vegum og fá sér hádegishressingu. Einnig er upplagt að nýta sér aðstöðuna við hótelið okkar.

4. maí | Aix-en-Provence

Í dag höldum við til Aix-en-Provence sem er með stærri háskólaborgum landsins og nema þar um 30.000 háskólanemar. Segja má að borgin sé með dýrustu en einnig glæsilegustu borgum landsins, umkringd fjöllum og sléttum. Á listasöfnum og í kirkjum borgarinnar má líta glæsta fortíð en einnig bera fjölmargar einkahallir sem byggðar voru í barokkstíl á 17. og 18. öld merki um glæsileikann. Í dag eru þessar einkahallir reknar sem lúxushótel. Aix, eins og hún er jafnan kölluð, er einnig þekkt fyrir gómsæta möndlukonfektíð sitt, Calissons. Við röltum saman um elsta hluta borgarinnar og eftir það verður frjáls tími til að njóta og fá sér hressingu.

5. maí | Furstadæmið Mónakó & spilavítin í Monte Carlo



Þennan skemmtilega dag heimsækjum við furstadæmið Mónakó, stundum kallað dvergrikið Mónakó. Við höldum í glæsilega skoðunarferð um klettaborgina en þar er að finna höll furstafjölskyldunnar og dómkirkjuna þar sem Grace Kelly var borin til grafar og hafræðisafnið. Glæsileg bygging Grand Casino spilavítisins í Monte Carlo hverfinu verður einnig skoðuð og komum við inn í Grand Casino spilavítið.

6. maí | Bátsferð til St.Tropez & smálest

Við höldum í siglingu yfir til listamannabæjarins St. Tropez. Smálest ferjar okkur niður að höfn þar sem báturinn bíður okkar. Bærinn er einn aðaláfangastaður hinna ríku og frægu við frönsku rivíeruna. Brigitte Bardot býr þar og einnig halda ýmsar Hollywood stjörnur þar til í sínu orlofi. Við förum í skoðunarferð um þennan fallega, gamla virkisbæ og síðar gefst góður tími til að kanna líflegan bæinn á eigin vegum. Það er til að mynda mikil upplifun að skoða lystisnekkjur fræga fólksins í höfninni. Að lokinni siglingu aftur til Sainte-Maxime mun smálestin ferja okkur til baka á hótelið

7. maí | Frjáls dagur í Sainte-Maxime

Í dag njótum við þess að eiga frjálsan dag í Sainte-Maxime. Hægt verður að nýta sér aðstöðuna við hótelið, kanna betur fallega miðbæjarkjarnann, líta inn í skemmtilegar verslanir og fá sér hressingu á einhverju hinna fjölmörgu veitingahúsa bæjarins. Einnig er upplagt að fara í göngu með fram ströndinni.

8. maí | Cannes

Nú verður ekin falleg leið til Cannes við Napoule flóann, heillandi borgar á fallegum stað. Í Cannes skoðum við okkur um í gamla bænum og göngum að kvikmyndahöllinni og rauða dreglinum en Cannes er einmitt frægust fyrir alþjóðlegu kvikmyndahátíðina sem haldin er þar ár hvert. Síðdegis gefst frjáls tími til þess að skoða borgina, sýna sig og sjá aðra.



9. maí | Avignon & Annecy

Í dag kveðjum við þennan draumfagra stað og ökum til Annecy. Leið okkar liggur um gróðursælar sveitir Provence héraðs með vínakra, ávaxtarækt, lofnarblóm og brosandí sólblómaakra þar til mikilfengleg Alpafjöllin taka við. Á leiðinni verður að í borg páfans, Avignon í Provence héraði, sem rómuð er fyrir fegurð en þar verður hægt að fá sér hressingu og njóta fegurðar gömlu virkis borgarinnar. Annecy er svo eins og gimsteinn í kórónu fjallanna, alveg sérlega heillandi bær við samnefnt vatn. Hér verður gíst í tvær nætur. Kvöldverður á eigin vegum.



10. maí | Skemmtilegur dagur í Annecy



Við hefjum daginn á gönguferð um Annecy sem er yndisleg borg og nær að hrífa alla með sér. Borgin, sem liggur inn á milli fjallanna, er ein þeirra elstu í frönsku Ölpunum. Yfir henni gnæfir aldagömul höll og eru mörg húsanna frá 16.-18. öld. Eftir skoðunarferðina gefst frjáls tími þar sem áhugasamir geta meðal annars farið í töfrandi siglingu á vatninu. Kvöldverður á eigin vegum.

11. maí | Heimferð frá Zürich

Þá er þessi góða ferð á enda. Ekið verður til Zürich en brottför þaðan er kl. 14:05 og landing í Keflavík kl. 15:55 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.



Verð

308.400 kr. á mann í tvíbýli | 77.100 kr. aukagjald fyrir einbýli.

Innifalið

- ✓ Flug með Icelandair og flugvallarskattar.
- ✓ Gisting í 2ja manna herbergi með baði.
- ✓ Morgunverður á hótélum.
- ✓ Átta kvöldverðir á hótélum.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.

Ekki innifalið

- ✓ Tveir kvöldverðir í Annecy.
- ✓ Aðgangseyrir inn í söfn, hallir og kirkjur.
- ✓ Siglingar.
- ✓ Vínsmökkun.
- ✓ Hádegisverðir.
- ✓ Þjófnef.



Valfrjálst

- ✓ Sigling til St. Tropez u.þ.b. € 15.
- ✓ Smálest í Sainte-Maxime u.þ.b. € 10.
- ✓ Höll furstafjölskyldunnar í Mónakó u.þ.b. € 15.
- ✓ Spilavítið í Monte Carlo u.þ.b. € 18.
- ✓ Sigling á Annecy vatni u.þ.b. € 15.

